



UGOVOR o javnoj nabavci usluga oglašavanja

KJKP Sarajevogas d.o.o., Ul. Trg Fadile Odžaković Žute 4, 71000 Sarajevo
Koga zastupa: Direktor Preduzeća Mr.sc. Nihada Glamoč, dipl.ing.maš.(u daljem tekstu:Kupac)

i

Oslobodenje Servisi d.o.o., Sarajevo,Ul. Branilaca Sarajeva 25, 71000 Sarajevo,
Koga zastupa: Direktor Edison Pavlović (u daljem tekstu: Prodavac)

Član 1.

Predmet ovog Ugovora je nabavka usluga oglašavanja u dnevnom listu Oslobodenje tokom poslovne 2019. godine, po nadmetanju broj: PRZJN-05-05/19 nabavka neprioritetnih usluga iz Aneksa II dio B.

Prodavac usluga je dostavio ponudu prema specifikaciji Kupca broj SP-OJ04-TD-05-05/19-01, koja je priložena ovom ugovoru i predstavlja njegov sastavni dio.

Član 2.

Ugovorna vrijednost usluga iz člana 1. ovog ugovora sa uključenim popustom bez PDV-a iznosi: **9.792,05 KM (slovima: devethiljadasedamstotinadevedesetdvije05/100KM)**, a jedinične cijene su specificirane u prilogu ovog ugovora i čine njegov sastavni dio.

Član 3.

Prodavac će usluge iz člana 1. Izvršavati nakon zaključenja ovog ugovora.

Član 4.

Prodavac će obračun eventualno izvršenih usluga oglašavanja i isporučenih dnevnih listova vršiti po isteku mjeseca. Kupac će plaćanje, nakon ispostavljenih poreski ispravne fakture, izvršiti u roku od 15 dana po prijemu fakture na transakcijski račun prodavca naveden na fakturi.

Član 5.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.

Član 6.

Prodavac je u obavezi da odmah nakon dobivanja narudžbe od strane kupca izvrši uslugu iz čl.1. ovog ugovora. Za svaki dan zakašnjenja u izvršenju usluge kupac će zaračunati penale u iznosu od 1%, s tim da ukupni iznos penala ne može biti veći od 5% ukupne vrijednosti ugovora.

Član 7.

Ukoliko kupac u ugovornom roku iz člana 4. ovog ugovora ne plati cijenu za izvršene usluge obavezan je prodavcu isplatiti i zateznu kamatu u skladu sa zakonom i drugim propisima koji uređuju ovaj institut.



Član 8.

Ovaj ugovor se zaključuje na period trajanja od (1) jedne godine računajući od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana..

Član 9.

Ugovorne strane su saglasne da prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke nadležnoj za dodjelu navedenog ugovora o javnoj nabavci.

Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 10.

Na sve odnose i institute koji nisu navedeni u ugovoru , a pojave se prilikom realizacije, primjenjivaće se odgovarajuće odredbe Zakona o obligacionim odnosima.

Član 11.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 12.

Sve nesporazume do kojih dođe u realizaciji ovog Ugovora, ugovorne strane će rješavati dogovorom ili putem arbitražne komisije. Ukoliko se nastali spor ne može riješiti prema navedenom, spor će rješavati nadležni sud u Sarajevu.

Za Prodavca:


Direktor, Edison Pavlović
Broj ugovora, SH-4/19

Za Kupca:


Direktor Preduzeća Mr.sc. Nihada Glamoč, dipl.ing.maš.

Izvršni direktor Mr.Mehmed Mehović, dipl.oec.
Broj ugovora, 13/19

22 -01- 2019